

## Yeshua: Esun Ungi di Israel i Juda; e Restante!!!

Ta pa e motibu aki Yeshua a bisa: "pasobra si boso a kere Moises, boso lo a kere Ami tambe; ta di Ami Moises a skirbi den e Lei" (Juan 5:46).

### Yeshua: e Lei, e Enseñansa di Dios Tata!!!

I lo Mi Bendishoná: Hasi Bon, Benefisiá esnan ku Bendishoná abo, i esun ku maldishoná: despresiá, deshonorá abo, lo Mi maldishoná. I den bo tur e famianan: nashonnan di mundu lo ta Bendishoná." (Genesis 12:3).

E Restante ta parti di loke a wordu primintí na Abraham for di prinsipio. Esaki ta nifiká ku esnan ku Bendishoná Israel i Juda, Dios lo Bendishoná i tambe esnan ku despresiá i deshonorá Israel i Juda, Dios lo maldishoná. Pasobra Dios no ta hende, ku E lo gaña, ni yu di hende, ku E lo repentí. Akaso El a bisa, i E lo no hasié? Of El a papia, i E lo no kumpli? (Numbenan 23:19).

### Israel i Juda: e Restante!!!

Mi ta puntra anto: akaso Israel i Juda a trompeká: ruina spiritualmente asina ku nan a kai? Di ningun manera! Ma dor di nan transgreshon, nan rechazo di Yeshua Mesias: Salbashon a yega na e paganonan, pa hasi nan yalurs, ora nan realisa kiko nan a perde. Awor si nan transgreshon ta nifiká rikesa pa mundu i nan fayó rikesa pa e paganonan, kuantu mas nan Kumplimentu i Restorashon Kompleto! (Romanonan 11:11-12).

Yeshua Mesias a bini pa Komplimentá, Klarifiká i Aklará e Lei, e Enseñansa i no pa abolí, anulá of kita e outoridat di e Enseñansa, e Lei, sino pa Kumpli i Komplementa e Enseñansa, e Lei (Mateo 5:17).

### Israel i Juda: e Restante!!!

Awor den 2020 ta solamente e Restante di Israel i Juda ta biba segun e Lei, e Enseñansa òf e Profetanan. Ta pa esey Yeshua Mesias ta bini bek pa Kumplimentu i Restorashon Kompleto di Israel i Juda. (Isaias 11:12).

E Salbashon di e paganonan tabata pa hasi e Restante di Israel i Juda yalurs ku Yeshua Mesias, asina nan por a bini na Salbashon. E Salbashon di e paganonan no tabata pa nan sea arogante pa ku Israel i Juda; pasobra si abo, ku a bini na Salbashon, ta arogante, abo mester kòrda ku no ta abo ta esun ku ta sostené e Rais, ma ku ta e Rais ta sostené abo. (Romanonan 11:18).

E Rais ku ta sostené abo i tur e nashonan di mundu ta e Restante di Israel i Juda. Pasobra SEÑOR Su porshon ta Su Pueblo; Jakòb ta e parti di Su Erensia. Dios Tata a Hañ'é na un tera di desierto, i den abandono di horibel soledat; Dios Tata a Rondon'é, Dios Tata a Pèrkurá p'é, Dios Tata a Ward'é manera Dios Tata Su Pretu Wowo. (Deuteronomio 32:9-10).

17 yanüari 2020

Sea Bendishoná ku e Amor di Dios Tata; Yeshua Mesias  
Un Fiel Sirbidó di Dios,  
Remsly L Riley.